



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二〇四

傳家寶初集八卷首一卷二集八卷三集八卷四集八卷

(傳家寶三集八卷四集八卷) 石成金撰

一

紅雪軒稿六卷 高景芳撰

五〇三

天基石年翁家寶三集刻竣正遇七十壽辰余漫以俚言二律愧弁於首是亦序引之愚式也社弟姚恭拜草時年八十有三

稀齡崇漢典舊德屬今人著述披奇

傳家寶三集

序

秘衿懷本樸淳歲寒松愈勁秋老菊

猶新何必榮軒冕庭除樂自真

其一

小聚無多客比隣得素心園蔬克饌

美尊酒坐更深不羨羣爭巧相期共

惜陰世事俱參透整日樂欣欣

其二

傳家寶三集總目

卷之一

傳家寶吉徵第一

傳家寶功券第二

卷之二

傳家寶羣珠第三

傳家寶紳瑜第四

卷之三

傳家寶三集

總目

傳家寶紳瑜第五

傳家寶聯瑾第六

傳家寶命銓第七

卷之四

傳家寶心律第八

傳家寶常歌第九

傳家寶俗諺第十

卷之五

文字竅第十一

真福譜續集第十二

高賞集第十三

真福譜三集第十四

卷之六

今覺樓第十五

鐵菱角第十六

雙鸞配第十七

傳家寶三集

總目

四命寃第十八

酣樂吟第十九

清夜鐘第二十

卷之七

禪宗直指第二十一

讀書法第二十二

讀書樂第二十三

舉業蓓蕾第二十四

真福譜第二十五

卷八

真福吟第二十六

放屁詩第二十七

天基狂言第二十八

如意珠第二十九

奇娛集第三十

奇娛二集第三十一

傳家寶三集

總目

四

傳家寶吉徵目錄

周坦翁乃前輩長者著有觀宅吉祥相四十條誠爲訓世至言予細讀之選其切要者一十七條刪其可緩者二十三條另以愚意續補大半每條自加箋註名曰吉徵持此以觀人之居室行止凡於事條符合

傳家寶三集

卷一 吉徵

者其家必然興旺自有富貴福壽之應或於事條違背者其家必然衰敗自有貧賤禍天之應眼前境遇雖或相左未久卽應蓋預兆已現於前也以此觀人可無遺遁矣世人將予此書諸條須各當警勉定趨於吉慎毋悖也天基石成金撰寫

傳家寶吉徵三集卷之一

人情世事須知
修身齊家要法

揚州石成金天基訂補

每日天明卽早起

清晨桌地等掃潔淨親友一到僕從已拱立候命主人已盥沐相迎而又有熱茶奉敬此卽許多光輝有等人家日出多高尚在夢鄉客至多時寂無人應以日作夜以夜作日衰敗可待矣

每日天晚卽早睡

傳家寶三集

卷一 傳家寶 吉徵

二

冬寒夜長可以遲睡勤業外其餘三時天一昏黑俱宜早睡要知早睡有六益家長早睡則子弟家人俱早睡可免姦盜酗酒賭博之害一也房中厨下可免火災二也早睡則夜半正值睡醒可防盜賊之偷竊三也早睡則次日早起勤理本業不致沉昏失曉四也省許多油燭之費五也不黑暗則厨下鍋碗器物不致跌損六也遲睡反此六損矣子弟家人俱各有事不令閒懶

小人閒居爲不善各授其事無論大小須令辛勤
治辦不獨自食其力且無閒工及於嫖賭墮事矣
婦女不識字不看書

貞烈好書並不喜看淫詞小說背人看得心醉神
飛所以寧可令人稱其無才不可令人稱其無德
容易不演戲

優人最勢利少有簡慢則生譏諷且近日演忠孝
節義者少如有大喜慶事方用餘俱可省

傳家寶三集

卷一 傳家寶 吉徵

三

家中無棋設紙牌籌具卽見他人有者亦不入手

近日馬弔盛行士大夫儼然爲之而不恥卽令此
中有千變萬化但想手持者何物豈不愧極總因
不肯習靜又不讀書所以爲之賭博大害切戒至
於圍棋象棋牙牌雙陸往往廢時失事亦須切戒
外無姣童

家無僂僕姣童不惟省自己防閑且免他人疑議
內無老婢

禁錮老婢二十歲以外尚不爲之擇配大傷陰德
奴僕下人見客至低聲緩答小人婉容

門前僕從見士人過毋論識與不識皆起身直立
遇諸途皆側立讓行如至其家問話皆低聲緩答
此雖細事主人之忠厚不忠厚奴僕之生事不生
事俱因此而可知也

座上有二十年前老友門下有祖父遺留老僕
如此方稱得個世家

傳家寶三集

卷一 傳家寶 吉徵

四

架上無齊整書

本本精良手且未觸於目何有但觀架上便知腹中
僕從不與主人同坐者並坐

卽貧友疎親亦與主人同列何至與奴僕爲伍此
風倡自殘片主人得意時承奉奴僕惟恐少失其
意殆失勢之後飲恨報復敗家受禍往往由此
僕從各隨其姓

卽自幼僕子亦令各姓其姓不昧人宗祖卽後亦

不亂吾支派防微杜漸前人都有深意

不學蘇意

輕嘴薄舌不離幫閒吃茶燒香總屬狡獪

口中無刻薄矣敢議論

一言而傷天地之和一言而折終身之福可畏哉

前輩格言常在壁上口頭

聖賢好言存之於心則能體而行之矣口中口頭

已有二三分受用處

傳家寶三集

卷一 傳家寶 吉徵

五

肯爲人宛轉寄家信

不浮沉已屬盛德更能宛轉以期必達更爲陰騭

以此類推凡事肯爲人方便可知

十二歲以上小童不入內戶十二歲以上女童不出內戶

近來小孩最是尖峭不可因其小而忽之

不夜飲

不夜飲則奴僕無姦盜詐僞矣且次日又能早起

辛勤治事卽或宴客下午早請定更而散

肯爲人說眼前報應肯聽人說報應事

眼前報應顯明易見莫說閻王過陰事反增不信

不以病試醫

不告醫者得病之由令其暗中摸索取死之道也

肯將應驗好藥方或抄或刻送與人救治病患

施方固勝施藥或能製藥數種常送人治病更妙

肯周濟貧親友或助人婚嫁或代完官贖不做佛事

此是實德事佛亦大喜

傳家寶三集

卷一 傳家寶 吉徵

六

內人安靜無咒罵高聲

內聲不聞於外便是好人家若或牝雞司晨婦女

干政者大不祥也

躬送破衣親友出門外

破衣親友在坐者間有躬送門外則以爲恥矣要

知待失意人不難有恩而難有禮此語須當體驗

此等事最傷人心亦令人容易肯破你勢利心腸

受人賀分卽一簣一絲無微不答

富貴人受其賄人贈物以爲當然此大折福之事
亦大缺德之事也須知其從典賣而來
不戲謔父執貧友

既知其爲父執又輕之爲貧人且又戲之謔之不
如己友者孝子慈孫斷不如是

日用戥秤斗尺出入一樣

聖人置此原所以平人之心若出入兩樣不獨欺
人而且欺天矣斷難久長

傳家寶三集 卷一 傳家寶 吉徵

七

案頭無淫書

作淫詞小說之人俱有非常惡報歷歷不爽案頭
如有片紙隻字盡當焚却壞心術喪行止皆此等
書引誘人家兒女豈無識字者畧回想豈不可恨
有讀書紡織聲

人其門聞誦讀聲可知其子之賢聞紡織聲可知
其內之賢若酒肉之氣勝便不是好人家然而全
在家長之賢能總可致此

富人田房產業價值平色都公道

人當賣產必窮困莫支萬不得已而棄故業置產
之家卽授之值亦且展手無存豈爲富不仁者窺
其窘迫陽拒而陰勾之以重折其價自爲得計殊
不知天道好還彼蒼已默奪之矣

不以金銀珠寶裝飾小兒

富家有愛其小兒者飾以金寶小人於僻靜處壞
其性命取其寶物雖聞於官真於法何益

傳家寶三集 卷一 傳家寶 吉徵

八

不譏誚人

人能不笑人窮不鄙人儉便爲長者要知世界每
多缺陷如貧賤殘疾聾瞶痴呆之類不可悉數是
皆前生積作所致若以尖利之言縱口譏誚不獨
大傷我之長厚且又是歛怨取禍之道笑人者常
不如人焉知異日自己又不被人譏誚耶
不談人家閨闈事

男女私情最是暗昧今言之鑿鑿如曾日觀鬼神

在傍何不說得畧活動些犯此者每見極惡果報
非止自己妻女被人談論而已可不畏哉

做事先愁後悔

爲一切事都要慎之於始思前想後自然無悔矣
不到兌換舖內換色銀用

有紋銀即用紋銀若應用一兩者不妨紋折九錢
八錢何苦將紋銀反換迷假色銀展轉歸與窮人
虧折慘楚告訴無門便宜少而損德多矣

傳家寶三集

卷一 傳家寶 吉徵

九

厚待汗力貧苦人

田野小民斗粟尺布入市營求一家饑寒所望我
却要在他的身上去討便宜能有幾何於心安乎其
肩挑步担販賣藥物小本貧民脚夫轎夫汗力苦
人更須價公而銀紋數準積德不小

不任意縱談

言未出口先要存想此言可說得說不得若信口
縱談則惹是非起災禍總由於此可不戒哉

不生非分之想

能安本分免許多憂愁之苦享許多快樂之福
見一切人惟有謙虛

高傲自大者人皆憎惡乃量小福薄之人也
受八些小侵侮不輕易計較

仕宦居家被人侵侮固亦常有是事然畢竟是我
好處若令人望影遠避無敢拾田中一穗者目今
雖足快意未久有後之侵侮者更大矣

傳家寶三集

卷一 傳家寶 吉徵

十

敬惜字紙

人之聰明知識功名富貴都賴此字而得若不存
心敬惜乃是忘本無福之人豈有好報耶所以凡
見字紙雖在泥污之中亦必拾聚焚之
珍重五穀

米穀是生命之原試想兩食不食則饑不可忍金
珠雖貴亦不及此一粟一粒俱從汗力辛苦中得
來少有輕賤是自種趨貧之根矣

閒卽手不釋卷

有好書閒卽展看如與聖賢對話才學日進道理日精所謂開卷有益也雖有他樂吾不易此

一切舉動用度俱從儉朴不學富貴人家行事

凡衣食房屋婚喪餽宴諸事俱要量入而出惟從省儉朴寔切不可恐人鄙笑遂而奢費窘迫也

立一善行必堅不可移

善志不堅未久更變轉令德行中阻真爲可惜

傳家寶三集

卷一 傳家寶 吉徵

士

婦女不出外遊山玩水入寺燒香看燈看會

婦女謹守內室勤辦家務纔是內助之賢淑如好

閒遊戲耍決非好婦女也

子弟家人循循然時存敬畏都知尊卑長幼之儀

子弟家人諸事不自專行早晚出入都稟命家主

時存敬畏乃日漸發旺之象有等人家子弟目無

尊長行止放肆不聽教誨壞事亂爲災禍可待矣

子弟交往之人都是端方德行君子

前人云與善人居如入芝蘭之室久而不聞其香

卽與之化矣與不善人居如入鮑魚之肆久而不

聞其臭亦與之化矣所謂近朱者赤近墨者黑近

賢者明近良者德近愚者暗近偷者賊不可不慎

也是以父兄督教子弟惟在選擇所與之人須廣

延端方德行君子共其往來遊處心志言行日習

好矣子弟寧可終歲不讀書不可一日近小人凡

下流匪類一槩禁絕則種種壞事無自而入矣

傳家寶三集

卷一 傳家寶 吉徵

士

諸事能容忍

有涵養卽有厚福一毫之拂卽勃然而怒乃不能

容也一事之違卽憤然而發乃不能忍也此是無

涵養之力薄福之人必至於敗德而債事矣

心內極其精明外面極其渾厚

精明則我不受人之欺渾厚則人不怨我之刻所

以人之黑白只宜在心不宜在口乃涉世妙法

居不深達

人家屋宇若太廣深濶則陰氣盛而人氣不能充所以其勢不得堅久且居者多不利此昔人有木欵之說謂其不安也

三姑六婆不入門

尼姑道姑媒婆一切外來婦女或以換賣金珠衣物爲由或以針灸推挈鬼神過陰布施祈禱爲名俱不可令其穿房入室脫騙內人財物米糧更有勾引諸般醜事昔人比爲三刑六害極當禁戒

傳家寶三集

卷一 傳家寶 吉徵

十二

門戶廳堂修理整齊担掃潔淨

居室不整塵灰滿案雖有高堂大廈亦是衰敗之兆務要修理整齊担掃潔淨乃發福興旺之家也不借人利債

除官帳私債饑寒至緊之外其餘費用俱不可輕易借債要知時光迅速瞬息一月倏忽半年我之每日辛勤謀來利息盡是代他人爲持日漸貧窮都由於此切勿以借得來或以人肯借與我卽爲

欣喜得意也

不借債與人

親友不貧寒者不來借貸及至借去後來取討勢必難結怨尤莫過於此或有喜慶婚喪急事可量力少助既不怨尤彼又甚喜也

保守祖父遺留田房產業器物

要知祖父當日置此不知費幾許心血不知歷幾許辛勤雖寸土尺木亦不可輕棄

傳家寶三集

卷一 傳家寶 吉徵

十二

隱惡揚善

隱人之惡揚人之善不獨自己留存厚道亦是免禍消愆之妙法

不面忤人

惹怨招尤莫過於此卽不可爲之事亦當婉辭不延妓女至家

看其模樣行止壞少年子女許多操守最爲大害早完官糧

縣官錢糧自有定期須要將家務日用每年計算若干預留此項先期完納免許多催擾傍費自許多比較代累享許多自在快活諺云要得寬先完官真格言也

時時防火夜夜防賊

火盜最爲大害時刻須要提防切莫大意悞事

父子兄弟一心一意

父子竭力山成玉兄弟同心土變金

傳家寶三集

卷一 傳家寶 吉徵

五

若無大受欺凌之事輕易不告狀結訟

好訟必貧凡事須要寬客忍讓聽人和解此保家

第一法也他人如有爭訟者亦須竭力勸息

若非官糧私債飢寒至急之事輕易不當當

物之價多者終質少但歲月如梭轉眼之際本利盡爲典舖算去更有平色之加增查取之守候是以好當之家未有不日漸貧敗者予友史搢臣聞典遇人來當當却用戒詞刻印小紙包銀與之予

畧改數字附載於此切須謹戒詞曰應急之中雖典當也須籌度商量算來緊事兩三椿買柴和買米私債並官糧此外消磨都可惜莫因捏便輕當臨時本利更何償不如裁冗費節省是良方

多積柴米

積薪須另室謹明否則火害不小

米糧柴草必須多積寧可有餘不可欠缺要知家中人口諸事可以減省腹飢何能久待倘遇有事佔悞或風雨欄阻勢難接應豈不露醜

傳家寶三集

卷一 傳家寶 吉徵

六

每晚照管門戶閑閉緊是

每晚親自照看門戶不可盡托奴婢下人

傳家寶功券目錄

勸人廣積功德以召福報多辭無錢何能
積德殊不知功德全在於一點利人之良
心果能存心積德則隨時隨處皆有功德
可積也熊勉菴先生著有功德一書備指
不費錢者甚多予添續若干并載官長鄉

傳家寶三集

卷一

七

紳二約著爲功券一卷自今而後不論富
貴貧賤智愚賢不肖諸人而皆能積德也
豈專在費錢而已試看書內種種功德豈
獨利益於人且更大有利益於己真可爲
消災免劫積福積壽積子孫積科第若持
左券而不爽矣天基石成金撰寫

傳家寶功券目錄

消災免劫券
武官不費錢功德
幕友不費錢功德
士人不費錢功德
百工不費錢功德
一醫家不費錢功德
公門人不費錢功德
官長不費錢功德
官紳不費錢功德
大衆不費錢功德
農家不費錢功德
商賈不費錢功德
堪輿陽宅家不費錢功德
兵丁不費錢功德

傳家寶三集

卷一

功券目

六

婦人不費錢功德
僕婢工役不費錢功德
僧道不費錢功德
富家不費錢功德
官長約
鄉紳約

傳家寶

功券

人情世事須知
修身齊家要法

揚州石成金天基添補

消災免劫積福積壽積子孫積科第券

請想於某年間自流寇發難之後海內之橫罹刀兵
離析父母散失妻子者十之七八其中得以安居樂
業父母聚首妻子團集者不尠省愆修善答謝天譴
倘或劫運復臨收轉禍福何及今特指出一條消災
免劫積福積壽積子孫積科第捷徑好路只要大家

傳家寶三集

卷一

傳家寶 功券

五

時時勉勵力行粘之塵壁置之案頭觸目警心自可
由納獲安刀兵永過如不費錢功德諉之曰難則前
此之修心了道延紀昌後者不知凡幾何以人可能
而我獨不可能如費錢功德諉之曰我命該富貴榮
華也彼命該流離困苦也不知我之命何以獨該富
貴榮華則從前世之行善中來無疑矣彼之命何以
獨該流離困苦則從前世之不肯行善而造惡業中
來無疑矣况刀兵水火盜賊疾病刑獄以及促壽敗

兒絕嗣等事不能禁後來不臨到我身上并不能禁
今晚明朝不臨到我身上吁思及於此甚可畏哉仁
人君子何不及早回頭行我不費錢功德以消災免
劫積福積壽積子孫積科第若持左券也

官長不費錢功德

有利必興

有害必除

案無留牘

庭無滯件

嚴處盜賊

重懲賭博

嚴禁掠賣

軫恤獄囚

保全善類

傳家寶三集

卷一

傳家寶 功券

十

矜原錯誤

不輕標判籤票

不濫差人

誣告必坐

則男提不得
破人家產

唆訟必懲

則該端忌而
人得安生

不輕拘婦女

不輕用重刑

不妄逞已見

不徇情屈法

不知情故枉

不執法太苛

不斷離婚姻

不拆散骨肉

不輕易送監舖

不輕徇公舉

不輕拿高家

不輕聽左右

水旱早報災傷

飢荒設法賑濟

錢糧撫字催科

疑事務期得情

難事細心求理

平心申理竟抑

力挽奢侈

禁宰耕牛自唐以來不輕舉鄉伯鄉保 遇好事多方阻攔

遇壞人刑殺並用 不在法壞人功名 不逞忿傷人性命

老幼病廢不輕易責 人方傷心不輕易責 盛寒炎暑不輕易責

隨行送路不輕易責 已極來者不再責 先責過者不再責

嚴禁衙役詐害百姓 不縱假吏誣詐良民 獲盜即親審不致反累無辜

不作威威風下 不動怒怒則受 有難當 不偏護原告

不以有害地方事違迎上司

不作驚駭耳目事沽買名譽

傳家寶三集 卷一 傳家寶 功券

王

事不可行者雖奉嚴檄必極力挽回

情有可原者雖係成案必加意矜恤

寬一分則民受一分之福

省一事則民少一事之擾

嚴戒捕役半因嚴許良善

關設人命或故或誤為首為從俱細分定罪

嚴懲勢宦豪強訟師扛証不令播惡

能摘發奸蠹神棍置之於法不使騙詐愚民

能誨誘頑民平其忿心令息爭息訟

責人須明告其罪令其知改要受者愧服見者警戒

詞狀內但有婦女非閑緊要者即與抹去

耐煩聽訴令原被各盡吐其情

有力稍力無力聽其自認不以贖援諛上官

不與越訴只平平照常理斷

一時錯枉片念撥轉不吝改過

事到面前據理直斷及到別衙門隨他轉辯

傳家寶三集 卷一 傳家寶 功券

王

供招出入自為簡點不使吏胥上下其手

考較公明不沮抑孤寒

開報生員優劣採訪的確令人知所勸懲

無力犯人當時的決納贖徒犯亦准召保不擅監禁

牢廩傳染分付獄官獄卒掃除穢穢多焚倉尤多聚

武官不費錢功德

師行有紀

不屠城邑

不擄掠子女

不殺良冒功

不殺已降

不毀燒房舍

不賄終梁貳 不尅減軍糧 不因賊寇刊

不損人錢泰田禾 恤士飢寒疾苦 禁兵騷擾鄉民

鄉紳不費錢功德

倡率義舉 止已化俗 不說昧心人情

不包攬公家事 不侵佔人田園 不強買人產業

不遷搭低色銀 不借端害人 不謀奪人風水

不措勒人價值 不輕聽僕從言 不措苦雇工佃戶

不重家踐食米苗 不許僕從生事 不強賒取貨物

傳家寶三集 卷一 傳家寶 功券 五

有利益於此地方之事極力向公祖父母開陳

民間有真正大冤抑不避嫌疑極力公行表白

幕友不費錢功德

不欺東君 不倚官勢 不想昧心錢

不作虧心事 盛衰交臂諷省刑 細心理詞卷

地方有利弊之事力勸東家興除

民情冤抑贊成東家剖雪

東家盛怒阻其出堂理事

大眾不費錢功德

敬畏天地三光 尊奉神明 竭力孝順父母

友愛兄弟 矜恤鰥寡孤獨 敬老憐幼

克勤克儉 數秤升斗畫公平 曲成方便

尊重師友 和睦鄰里親族 完婦女節操

解人憂愁惱怒 獎掖後學 延人後嗣

指人津路 喜揚人善事 勿播人惡

傳寫各方療人病 敬惜字紙 息人爭訟

傳家寶三集 卷一 傳家寶 功券 五

雪人冤抑 不作誑語 不貢寄托

引過歸己推善與人 不使勢要 不炫才智

不忘人恩 不念人過 不暴殄天物

不忘起淫心 不搬唆是非 不恃強凌弱

不妒富欺貧 不計人陰私 不毀人成功

不污人名節 贊成人婚姻喜事 受享知愧

勸化人莫嫖賭 見當救者卽救 凡可寬者必寬

不包藏禍心 隨處生歡喜 絕交不出惡聲